

湖海樓全集



湖海樓詩集卷第十

七言律

邑後學任光奇重校

汝甯雜感八首

莽莽平輿對水開
年年汝水抱城隈
已拚客到中原老
更值秋從絕嶂來
沙接郡樓寒拂檻
風傳戍鼓暮銜杯
秦川公子飄蓬甚
廢宅重經祗自哀

郡有王粲宅

繚垣榭葉亂熒熒
鎖院陰沉薜荔青
爲怯深愁消短燭
獨攜橫笛上空亭
關山瀕洞么絃斷
身世蒼茫急拍停

忽憶寢邱蘇處士
白頭江海恨飄零

蘇崑生固始人精於南曲

鉤罷風簾夜氣清
樓頭北斗掛簷楹
一年弟妹鄉書斷

雙眼乾坤物態更名士汝南多舊蹟將軍新息剩空營
可憐砧杵依微裏已有征鴻度鄆城

魏祖南征汚漢來翠華饗士此高臺水如懸瓠誇天府
詩鬪江蕭擅霸才落日孤城幢蓋動西風千騎鼓笳催
飛揚意氣今誰在漫溯寒流首重回

府城內有方丈竹堂爲後魏高祖幸

懸瓠亭
從官處

神堯天子奠金甌奕葉屏藩職貢修詎料長淮貔虎逞
翻貽共主廟廊憂精兵十道屯洄曲大雪三更壓蔡州
盛事恰須誇述作韓碑柳雅並千秋

澗河流水正潺潺絕險長誇冥阨關地入楚天雄九塞

路圍申戍斷千山蕭蕭朔吹城猶在漠漠寒空鳥自還

猶是舍人吟眺處風流搖落許誰攀

懷大復先生

寶慶年間尅戰期那顏孟珙大興師亡羊不信牢堪補

拒虎還嗟厦莫支遂奪柴潭摧伏弩竟麾金柵豎降旗

誰云汝水聲鳴咽說到西湖更可悲

咏幽蘭軒故事

落日蕭蕭袁愍孫客心悽斷不堪論最憐祖德留三楚

曾捧君綸下九閭浮弋山高棠蔭在仙居縣僻履聲存

百年父老桐鄉意累爾祠前漉酒尊

余大父少保公起家光山令惠政載

汝甯名宦志中

重過鄭州驛再和壁間芳芸女子韻

海濱集卷十
二
廢驛蠨蛸結網低亭欄依舊事全迷重看墨較前番淡
乍到苔經二月萋颼颼風簾疑霧髻膠膠星角促霜蹄
如何不定微波意猶得長流洛浦西

覃懷署中作

車響猶從耳畔聞已除席帽浣塵氛商量便擬攤吟卷
屏當還須展簟紋竹院夜啼汾水雁紙窗晴濕太行雲
悲秋倦客俱無賴差喜幽軒半畝分

懷州歲暮感懷四首

黛色憑欄指顧收太行斜壓郡西頭城連沁水喧河北
雪積雲中冷澤州落落可憐邊塞客栖栖還作稻粱謀

何當快馬嘶風去老作三關萬里遊

千年華蓋在人間從古仙靈此駐顏玉溼金漿成濟瀆
丹梯紺壁照壺關欄前全晉秋明滅巖頂諸天夜往還
搔首漫嗟人世事烟蘿咫尺未能攀

懷濟源
王屋山

急裝夜發北風饕立馬層崖鞚轡牢月上沙洲帆似豆
冰縈棧閣路如毛木蘭寨北愁孤立藥櫃溝南獵犬號
消息此間曾百戰天寒誰爲貰村醪

酒盡燈殘戍角哀鈎簾繞柱只徘徊枕欺獨客眠難著
衣迫長途綻復開故國愁聞魚大上

今歲江
南大水

中原喜見

雁重來憑誰驅使排幽興甯郭詩人李杜才

李杜才武
陟人崇禎

間詩人時
讀其詩

鄴臺懷古六首

姊歸啼歇野花殷惆悵春還我未還四月輕陰連鄴下
千秋陳蹟滿人間繚垣鑱澁防鄉夢隔寺鐘來攪客閒
絕憶故園梅雨後魴魚初賤竹新斑

當塗家世大長秋漢室河山指顧收霸府三臺誇割據
名藩八斗擅風流盡陶趙魏成鴛瓦別倩姮娥直綺樓
鏤枕空貽羅襪冷漳河冉冉不勝愁

右曹魏

鄴中故事傳聞舊紫陌宮前紫陌橋風起伎衣飄殿幄
月明軍鼓切雲霄遠移洛下銅駝恨長嘯中原石虎驕

十九年間迷翠輦
琨華春草路蕭蕭
石虎都鄴十九年琨華其宮名右石

丞相高歡渤海王數傳龍子盡披猖
誰誇建業生蓮步
自有貧兒賣酒坊
高緯於密室作堂側作貧兒村躬爲市令貴妃賣酒
仁壽千

門包第宅韓陵片石礮文章小憐粧
洗原難竟不許齊

師陷晉陽
右高齊

鄂國勳名載汗青
艱難百戰陣雲深
松楸死尙羞奸檜

桑梓魂知戀蕩陰
一代金陀標信史
忠武孫珂著金陀梓編五十八卷

五更鐵馬砵悲吟
侍中遺廟相隣並
嵇紹濺血處地名浣衣里
宰木

桓碑照古今
過湯陰忠武故里

神廬山前落照橫
臨洛驛走滎陽
城誰爲燕趙悲歌士
猶憶邯鄲俠少名
璧碎庭前留意氣
車迴巷內見生平

羌村月黑無行跡
古墓人傳藺上卿

磁州羌村有藺相如墓

鄴中懷舊臨漳令
萬大士

大士余表兄也

阿兄昔作臨漳宰
飛蓋西園繼昔賢
銅雀硯傍春判牘
鸕鷀陂上夜迴船
五湖歸隱頭今白
昨夜思君月正圓
小弟鄴城長側帽
西陵歌舞事如烟

睢州道上懷吳冉渠明府

薄游梁苑值春時
行盡睢州遍柳絲
爲過元亭懷近況

因題紈扇寄新知
雲山袁粲高吟郡

明府通守潤州

文雅吳筠

別體詩箋罷蟲魚更幽興江樓遙見映漣漪

將去洛陽燈下感賦

露幌風簾思不禁巡簷背手重沉吟一城漢苑隋宮地
幾夜零砧斷杵心菊到將離分客瘦天因臨別釀秋陰
偃師明發應回首洛水嵩雲深更深

風雪中東西村侯六丈

千村檜枯助陰霾萬壑刁騷動地來實怕殘年遭屋漏
可堪故國正梅開蕭蕭老客謀生拙莽莽中原對酒哀
絕憶西村侯處士雪中曾否臂鷹回

懷弟半雪同叔岱梁紫賦

具區淼淼水雲鄉上帶青門舊草堂千片疎簷陰蟹舍
兩溪飛雪點糟牀焙茶僧到籠猶濕販橘船迴笛亦香
此景總輸家弟樂中原獨立意茫茫

見官哥因憶仲衡先生泣然賦此

官哥仲衡幼子

侯嬴似儻好權奇然諾交游天下知爲我衰宗謀絡秀
從君別墅選花枝遲來終愜挑琴願再到翻憇磨鏡期
今日書郎能出拜朔風吹淚不成絲

歲暮客居自述倣渭南體柬知我數公十首

此生自斷只由天僦屋睢陽也偶然悶喜牆頭賒秫過
慵貪牀腳撥書眠定孤舊隱梅花約判結他鄉柏酒緣

總苦差強窮塞主陰山雪窖十多年

謂陸子元吳漢槎諸子

三間老屋朔風啼土炕灰堆掩蒺藜
嬾極詩瓢憑壓疊貧來醬瓿累提攜
晴央阿段晨編柵雨走奴星暮乞醯
自笑一生矜濶達今年屏當到雞栖

三寸毛錐百不成白頭壁立笑浮名
姬愁臘盡催辭竈隣怪囊慳勸入城
著眼乾坤偏偏側撐腸文籍漫膨脝
誰憐吳郡眞男子溷作中原賣餅儉

貨粟監河擬上書封題纔濕又躊躇
叩門早信言辭拙被褐深知禮法疎
豈有斯人工造請從來吾道在樵漁
羣兒錯料貧原憲決計來年把短鋤

朝出南村夕北莊經旬十遍坐君堂雞來上黨盈門沸
蟻熟中山一夜狂土銚細蒸園菜美銅瓶深注蠟梅香
都無一事爭相挽猶勝城中過節忙
紀與叔岳季嵩
二丈比來踪跡
叉手張頤復將鬚飛揚感激詎全無三旬不火子桑扈
五十稱詩高達夫賴有數公將食器不然一老困泥塗
綿綿又下經冬雪啼殺荒村白項烏

三年餬口東京道故里良朋共往還輦轡歸來成獨往
平臺別去重相關官厨臘酒知仍綠客舍顛毛定許斑
可惜離羣艱會面北風簷溜響潺湲

緘書千里寄情親數載相依作比鄰莊舄病猶思返越

孟明囚豈忘歸秦雪深老馬難知道寒重荒雞易失晨
多恐旅懷新歲劇討春實怕異鄉春

懷路廣心史遽庵
周立五徐竹逸里

中諸
先輩

朝來雨霰復侵尋乾雀簷前空好音歲月老閒橫槩手
關河寒透倚樓心冰封古硯愁無那雪壓疎籬冷不禁
弟妹飄零書信隔何時窮鳥再投林

兩徐

恭士
邇黃

三宋

牧仲
昆季

今詞伯異地同心興不孤一自荒

郊耽寂寞多時高閣罷歡娛新詩篋底吟安否積雪階
前掃竟無聞道春光連草寺肯攜幽屐伴潛夫

辛亥除夕

浪跡天涯歲又徂蕭然藿粥斷空厨三條燭盡他鄉酒
一夜霜喧匝樹烏小婦髻添新綵勝中年人比舊桃符
明春縱有千時興其奈雕蟲愧壯夫

壬子元日雨雪束侯六丈

今年元日倍愁儂跂脚茅齋事事慵急雪稀聞喧社鼓
迴颺時一送鄰鐘霏微漸覺孤村濕緬邈徐看短壑封
剩欲過君傾百盞街泥何計好扶筇

二日雪不止

新年雪壓客年雪昨日風吹今日風颺聲只欲發人屋
駭勢苦遭颺滿空田夫龜手拾馬矢鄰媪蜩縮眠牛宮

安得普天免凍餒白頭蹇拙甘途窮

三日晴

天明風定飛雪乾老夫晨梳凭曲欄千村曙色忽已動
一年幽興來相干啟軒便擬曬藥裹策杖竟欲尋林巒
鄰翁告我泥沒髀且復卻坐愁蹒跚

立春前一日同叔岱過飲恭士齋頭時雪笠梅溪
二上人在坐

連朝陰暄客愁增今日新晴興可乘開甕剛留殘臘酒
衝泥恰到過江僧由來梁苑多飛雪何必春宵始放燈
醉極已聽街鼓動銀幡綵勝思騰騰

人日郊行經闕伯臺下

西郊風物太踈妍，染柳烘桃取次經。
旋遣雪消泥濺濺，恰逢春到暖熒熒。
玉釵綵勝搖人日，銅鼓靈旗賽火星。
從此賣餚挑菜好，客懷且莫怨飄零。

牧仲約元夕入城恭士復先一日遣騎至屆期雪
作竟不成行悵然屬咏

梁孝王園火樹生，故人飛鞚遠相迎。
愁心擬破傳柑夜，好會偏來急雪聲。
匝市定憐橫吹斷，壓簷空訝亂瓊明。
賞燈最愛衣沾濕，只怯銀鞍傍險行。

十九日雪中撥悶寄雪笠梅溪二上人